



Broj: UP1-01-07-7-3/26
Sarajevo, 09.03.2026. godine

Na osnovu člana 61. Zakona o upravi („Službeni glasnik BiH“, br. 32/02, 102/09 i 72/17) i čl. 21. stav (1), 25. stav (1) i 26. stav (4) Zakona o slobodi pristupa informacijama na nivou institucija Bosne i Hercegovine („Službeni glasnik BiH“, broj 61/23), rješavajući po pisanom zahtjevu broj UP1-01-07-7-3/26 od 09.03.2026. godine, direktorica Direkcije za evropske integracije donosi

RJEŠENJE
o odobravanju zahtjeva za pristup informacijama

Odobrava se zahtjev za pristup informacijama od 09. marta 2026. godine, koji je putem email-a podnijela A.I.Ć., U.G. „Zašto ne“-Sarajevo.

O b r a z l o ž e n j e

Direkcija za evropske integracije zaprimila je dana 9. marta 2026. godine, zahtjev Amine Izmirić Ćatović, U.G. „Zašto ne“-Sarajevo, u kojem traži da se, u skladu sa Zakonom o slobodi pristupa informacijama na nivou institucija Bosne i Hercegovine („Službeni glasnik BiH“, broj 61/23) (u daljem tekstu: Zakon o slobodi pristupa informacijama), dostavi elektronskim putem ili na adresu, ukupan broj zahtjeva za slobodan pristup informacijama koji je Direkcija za evropske integracije u periodu od 1. januara do 31. decembra 2025. godine zaprimila, odgovorila u zakonskom roku od 15 dana, odobrila pristup informaciji, djelimično odobrila pristup i odbila pristup informaciji, te ukupan broj izjavljenih žalbi.

Razmatrajući predmetni zahtjev, utvrđeno je da su ispunjeni uslovi, da se u skladu sa članom 26. stav (4), a u vezi člana 25. stav (1) Zakona o slobodi pristupa informacijama, odobri pristup traženim informacijama koje su u posjedu Direkcije za evropske integracije.

Shodno gore navedenom, donijeto je Rješenje kao u dispozitivu, a podnosiocu se dostavljaju podaci u nastavku. U periodu od 1. januara do 31. decembra 2025. godine Direkcija za evropske integracije je zaprimila ukupno dva (2) zahtjeva za slobodan pristup informacijama na koja je odgovoreno u zakonskom roku od najkasnije 15 dana. Od navedenog broja zahtjeva za jedan (1) je odobren pristup informaciji, a jedan (1) je odbačen u skladu s članom 25. stav (3) Zakona o slobodi pristupa informacijama. Nije bilo izjavljenih žalbi protiv Direkcije za evropske integracije po zahtjevima za slobodan pristup informacijama. Nije bilo djelomično odobrenih ili odbijenih zahtjeva za slobodan pristup informacijama.

Pouka o pravnom lijeku: Protiv ovog Rješenja podnosilac zahtjeva može izjaviti žalbu Žalbenom vijeću pri Vijeću ministara Bosne i Hercegovine (adresa: Trg BiH broj 1, Sarajevo), u roku od 15 dana od dana prijema Rješenja.

DIREKTORICA

Prilog: kao u tekstu

Elvira Habota

Dostavljeno:

1. Podnositeljici zahtjeva
2. a/a